

Medienmitteilung

Tinizong, 01. Oktober 2024

Arena da sport «La Nars» – Personalitads ancunaschaintas surpeglian igl menaschi da gastronomia per la staschung d’anviern.

Cun grond plascheir dat igl cumegn da Surses ancunaschaint, tgi Florian Unterkalmsteiner e Karin Hersche, dus personalitads ancunaschaintas e versadas dalla scena da gastronomia locala, surpeglian sen la staschung d’anviern 2024/2025 igl menaschi dall’ustareia «La Nars» ainten l’arena da sport a Savognin. Igl partenaris on sottascretg en contract per treis staschungs d’anviern.

L’arena da sport «La Nars» è en li d’antupada stimo d’ameis da sport e digl anviern e porscha en vast spectrum d’activitads, tranter oter eir cun patinas, dar a hockey sen glatsch, dar a curling, trer rudelas, sclivigliar sen glatsch, far cursa lunga, eir cun skis, eir cun snowboard etc. Igl implant cumpeglia pinavant gardarobas e tualettas publicas. Igl restorant vign a sarveir agls giasts bavrondas tgodas e freidas, soppas e speisas fatgas an tgesa e porscha ena bela terrassa suglialeiva.

Florian Unterkalmsteiner e Karin Hersche èn da tgesa ainten la regiun ed èn s’affirmos ainten la scena gastronomia. Siva da 22 onns hospiteschan els ansemen giasts ainten diversas localitads renumadas. Lour veia comunabla ò antschet igl onn 2001. Siva da 15 onns, ed er anc actualmaintg, magnan els Florians Weinstube, an cumbinaziun cun ena vinoteca ed en affar da vegn. Avant on els gia mano l’ustareia da muntogna Steil’Alva u alloura er igl restorant Piz Platta sen l’Alp Flex. Cun lour angaschamaint per qualidad ed hospitalidad vign igl restorant «La Nars» a davantar en li attractiv per indigens e giasts.

Igl gestunar is planiseschan da darveir igl local mintga de dallas 9:30 anfignen allas 22:00, e chegl anfignen la fegn dalla staschung d’anviern. Igl restorant vign a porscher supplementarmaintg en menu durant treis seiras l’emda. Igl local è er adatto per pasts da Nadal, banchets privats u radunanzas da proprietari(a)s an condomini.

Igl è en highlight spezial tgi vign sarvia tant aint igl restorant scu er sen terrassa. Uscheia duessan neir evitadas lungas colonnas da spetga davant la cassa e tar la porta d’antrada. Uscheia vign er elimino igl problem



ancunaschaint dall'aria currenta, chegl tgi vign ad augmentar considerablamentg igl confort pigls giasts.

Cun chel nov concept vign betg angal stgaffia en surple da valour culinar per igls giasts, mabagn vign igl antier ambiant anturn la patinera a profitar e davantar pi plaschevel.

Collaboraziun cun uniuns indigenas e planisaziun d'events per la staschung d'anviern 2024/2025

Igl restorant «La Nars» serva scu local da club per differentas uniuns indigenas, tranter oter per igl club da hockey, igl club da curling ed igl club da tennis. Chella corporaziun strètga cun las uniuns localas è d'impurtanza centrala per Florian Unterkalmsteiner e Karin Hersche. Els planiseschan d'intensivar la cooperaziun e da sustigneir activamaintg las activitads dallas uniuns.

Supplementarmaintg agl provedimaintgastronomic vignan gio planisadas diversas occurrenz an collaboraziun cun l'organisaziun turistica dalla regiun. Planiso è tranter oter ena disco da glatsch, la festa d'unfants, turniers da club u seiras da fondue e raclette agl liber tgi dattan la pussebladad agls giasts da passantar ouras ampernevas ainten l'atmosfera invernala dall'arena da sport.

Chels events sa drezzan betg angal agls indigens, mabagn a tot igls giasts d'anviern dalla regiun da vacanzas. L'arena da sport «La Nars» duess neir rinforzada scu li d'antupada social e cultural dalla regiun.

Auskunftsperson für weitere Informationen (nicht publizieren)

- Stefan Steiner, Leiter Standortentwicklung, Tel. 081 659 11 94 oder 079 777 19 23
- Florian Unterkalmsteiner, Pächter, Tel. 079 441 10 20

Beilage

- Foto (Florian Unterkalmsteiner e Karin Hersche)

01.10.2024 / sf

3'342 Zeichen